






MAJLIS BANDARAYA SUBANG JAYA

PELAWAAN BAGI KERJA – KERJA MENYELENGGARA ALAT PEMADAM API MUDAH ALIH JENIS DEBU KERING (*DRY POWDER*) DAN KARBON DIOKSIDA (*CO2*) DI PREMIS-PREMIS MAJLIS BANDARAYA SUBANG JAYA

- Sukacita dimaklumkan bahawa, pihak Majlis akan melaksanakan perolehan bekalan/perkhidmatan bagi kerja-kerja menyelenggara alat pemadam api mudah alih jenis Debu Kering (*Dry Powder*) dan Karbon Dioksida (*Co2*) di premis-premis Majlis Bandaraya Subang Jaya
- Oleh yang demikian tuan/puan adalah dipelawa untuk mengemukakan **surat sebut harga** bagi kerja perolehan ~~bekalan~~/perkhidmatan tersebut mengikut huraian skop kerja yang ditetapkan seperti di lampiran A.
- **Tempoh ~~bekalan~~/perkhidmatan yang ditetapkan adalah selama Tiga Puluh (30) Hari dari tarikh Surat Tawaran dikeluarkan.**
- Sekiranya berminat, tuan/puan diminta untuk menyerahkan dokumen dan butiran syarikat yang lengkap perlu dimasukkan di dalam sampul surat yang berlakri dan dimasukkan ke dalam 'drop box' Jabatan Khidmat Pengurusan di Ibu Pejabat, Majlis Bandaraya Subang Jaya pada atau sebelum **30 Mei 2025**.
 1. **Surat Sebut Harga (menggunakan *letterhead* syarikat)** bagi kerja-kerja menyelenggara alat pemadam api mudah alih jenis Debu Kering (*Dry Powder*) dan Karbon Dioksida (*Co2*) di premis-premis Majlis Bandaraya Subang Jaya mengikut spesifikasi dan skop kerja seperti di Lampiran A.
 2. Satu (1) Salinan sijil Suruhanjaya Syarikat Malaysia (SSM)
 3. Mengisi maklumat - Lampiran 6 (Surat Akuan Pembida)
 4. Satu (1) salinan sijil Kementerian Kewangan Malaysia (MOF) dan kod bidang berkaitan:-
 - 120602- Keselamatan / Perlindungan Kebakaran / Peralatan Kawalan Api
 - 220401- Perkhidmatan / Penyelenggaraan / Pembaikan Alat Keselamatan / Alat Kebombaan /Alat Penyelamat / Pemadam Api

A1. SKOP KERJA MENGIKUT TEMPOH MASA YANG DITETAPKAN

Kerja-Kerja Menyelenggara Alat Pemadam Api Mudah Alih Jenis Debu Kering (*Dry Powder*) Dan Karbon Dioksida (*Co2*) Di Premis-Premis Majlis Bandaraya Subang Jaya

BIL	HURAIAN KERJA DAN SPESIFIKASI	UNIT	KUANTITI
1.	Menyelenggara Alat Pemadam Api Jenis Dry Powder 9kg	 Tabung	664
2.	Menyelenggara Alat Pemadam Api Jenis Portable Co2 2kg	 Tabung	183
3.	Pendaftaran Efies Online Dan Sijil Pengesahan Jabatan BOMBA	 Helaiian	847

TEMPOH PERKHIDMATAN (DITETAPKAN): TIGA PULUH (30) HARI

A2. SPESIFIKASI TEKNIKAL

1. PENDAHULUAN

- Kerja ini adalah pelaksanaan kerja-kerja menyelenggara alat pemadam api mudah alih jenis Debu Kering (*Dry Powder*) dan Karbon Dioksida (*Co2*) di premis-premis Majlis Bandaraya Subang Jaya.
- Pelaksanaan perkhidmatan yang tidak mengikut spesifikasi pihak Majlis berhak membuat pembatalan perkhidmatan penyelenggaraan tersebut dan perlu digantikan dengan yang lain.
- Harga yang dikemukakan oleh syarikat ialah harga keseluruhan kontrak termasuk Cukai Jualan Dan Perkhidmatan (CJCP), kos penghantaran dan buruh sepanjang kerja ini dijalankan.

2. TANGGUNGJAWAB SYARIKAT

- Sebarang kehilangan dan kerosakan alat pemadam api ketika dalam tempoh penyelenggaraan pihak syarikat adalah atas risiko dan tanggungjawab syarikat. Sekiranya berlaku sebarang kehilangan dan kerosakan alat pemadam api dalam tempoh penyelenggaraan, pihak syarikat perlu membuat ganti rugi mengikut spesifikasi asal yang telah ditetapkan. (Syarikat tidak berhak menuntut ganti rugi dari pihak Majlis).

3. PEMBAYARAN

- Pembayaran kepada syarikat berdasarkan nilai arahan perkhidmatan yang dikeluarkan dan tertakluk kepada prestasi perkhidmatan yang memuaskan. Pembayaran juga tertakluk kepada peraturan sistem kewangan yang sedang dilaksanakan dan diamalkan oleh Jabatan Perbendaharaan, Majlis Bandaraya Subang Jaya.

4. PERBUATAN RASUAH

- Sebarang perbuatan atau percubaan rasuah untuk menawar atau memberi, meminta atau menerima apa-apa suapan secara rasuah kepada dan daripada mana-mana orang berkaitan perolehan ini merupakan suatu kesalahan jenayah di bawah Akta Suruhanjaya Pencegahan Rasuah Malaysia 2009 (Akta 694).
- Sekiranya mana-mana pihak ada menawar atau memberi apa-apa suapan kepada mana-mana anggota pentadbiran awam, maka pihak yang ditawarkan atau diberi suapan dikehendaki membuat aduan dengan segera ke pejabat Suruhanjaya Pencegahan Rasuah Malaysia atau balai polis yang berhampiran. Kegagalan berbuat demikian adalah merupakan suatu kesalahan di bawah Akta Suruhanjaya Pencegahan Rasuah Malaysia 2009 (Akta 694).
- Tanpa prejudis kepada tindakan-tindakan lain, tindakan tatatertib terhadap anggota perkhidmatan awam dan menyenaraihitamkan syarikat atau pembekal boleh diambil sekiranya pihak-pihak terlibat dengan kesalahan rasuah di bawah Akta Suruhanjaya Pencegahan Rasuah Malaysia 2009 (Akta 694).

- Mana-mana syarikat atau pembekal yang membuat tuntutan bayaran berkaitan perolehan ini walaupun tiada kerja dibuat atau tiada barangan dibekal mengikut spesifikasi yang ditetapkan atau tiada perkhidmatan diberi dan mana-mana anggota perkhidmatan awam yang mengesahkan tuntutan berkenaan adalah melakukan kesalahan di bawah Akta Suruhanjaya Pencegahan Rasuah Malaysia 2009 (Akta 694).

JADUAL KADAR POTONGAN ATAU DENDA YANG DIKENAKAN KEPADA KONTRAKTOR / PEMBEKAL YANG LEWAT MENGEMUKAKAN TUNTUTAN MENGIKUT JUMLAH SATU TUNTUTAN

Bil	Perkara
1.	❖ Kadar denda sebanyak RM 10.00 sehari akan dikenakan terhadap kontraktor dimana ianya akan ditolak daripada jumlah bayaran interim tersebut, dan
2.	❖ Jumlah kadar denda terkumpul maksimum yang boleh dikenakan kepada kontraktor / pembekal adalah sebanyak 1% (satu peratus) daripada jumlah sesuatu tuntutan.

**SURAT AKUAN PEMBIDA (BORANG
PESANAN TEMPATAN)**

**PELAWAAN BAGI KERJA – KERJA MENYELENGGARA ALAT PEMADAM API
MUDAH ALIH JENIS DEBU KERING (*DRY POWDER*) DAN KARBON DIOKSIDA
(*Co2*) DI PREMIS-PREMIS MAJLIS BANDARAYA SUBANG JAYA**

Saya,No. Kad Pengenalan yang
Mewakili nombor Pendaftarandengan ini mengisytiharkan
bahawa saya atau mana-mana orang yang mewakili syarikat ini:

- i. tidak akan menawarkan, menjanjikan atau memberikan apa-apa suapan kepada mana-mana orang dalam mana-mana Kementerian/Agensi atau mana-mana orang lain, sebagai suapan untuk dipilih dalam mana-mana perolehan; dan
- ii. tidak akan melakukan atau terlibat dengan tipuan bida dalam mana-mana perolehan.

Bersama ini dilampirkan Surat Perwakilan Kuasa bagi saya mewakili syarikat seperti tercatat di atas untuk membuat pengisytiharan ini.

2. Sekiranya saya, atau mana-mana individu yang mewakili syarikat ini didapati terlibat dalam pakatan tipuan bida dengan syarikat lain berkenaan perolehan di atas atau menawarkan, menjanjikan atau memberikan apa-apa suapan kepada mana-mana orang dalam Majlis Bandaraya Subang Jaya atau mana-mana orang lain sebagai dorongan untuk dipilih dalam perolehan seperti di atas, maka saya sebagai wakil syarikat bersetuju tindakan-tindakan berikut boleh diambil:

- 2.1 Hilang kelayakan untuk dinilai dan dilantik bagi perolehan di atas; dan
- 2.2 Lain-lain tindakan undang-undang/tatatertib mengikut undang-undang/peraturan perolehan Kerajaan yang berkuat-kuasa.

3. Saya sesungguhnya faham bahawa--

3.1 saya atau mana-mana orang yang berkaitan dengan syarikat boleh didakwa bagi kesalahan* di bawah Akta Suruhanjaya Pencegahan Rasuah Malaysia 2009 [*Akta 694*] dan Kanun Keseksaan [*Akta 574*] serta boleh dihukum di bawah undang-undang masing-masing atas kegagalan saya atau mana-mana orang yang mewakili syarikat ini untuk mematuhi perkara (i) dalam surat akuan ini; atau

3.2 tindakan boleh dikenakan ke atas syarikat di bawah Akta Persaingan 2010 [*Akta 712*] atas kegagalan saya atau mana-mana orang yang mewakili syarikat ini untuk mematuhi perkara (ii) dalam surat akuan ini. Sekiranya syarikat didapati melanggar peruntukan seksyen 4(2)(d) Akta 712, syarikat boleh didenda tidak melebihi sepuluh peratus (10%) daripada pusing ganti (*turn over*) seluruh dunia sepanjang tempoh suatu pelanggaran itu berlaku.

4. Sekiranya terdapat mana-mana orang cuba memperolehi atau meminta apa-apa suapan daripada saya atau mana-mana orang yang berkaitan dengan syarikat ini sebagai dorongan untuk dipilih dalam perolehan seperti di atas, maka saya berjanji akan dengan segera melaporkan perbuatan tersebut kepada pejabat Suruhanjaya Pencegahan Rasuah Malaysia (SPRM) atau balai polis yang berhampiran. Saya sedar bahawa kegagalan saya berbuat demikian adalah merupakan suatu kesalahan di bawah seksyen 25 (1) Akta Suruhanjaya Pencegahan Rasuah Malaysia 2009 [*Akta 694*] dan boleh dihukum di bawah seksyen 25 (2) akta yang sama, apabila disabitkan boleh didenda tidak melebihi RM100,000 atau penjara selama tempoh tidak melebihi sepuluh tahun atau kedua-duanya.

5. Saya sesungguhnya faham bahawa syarikat melakukan kesalahan jika seseorang yang bersekutu dengan syarikat** memberikan, menjanjikan atau menawarkan suapan untuk memperoleh atau mengekalkan perniagaan atau faedah dalam menjalankan perniagaan di bawah Seksyen 17A, Akta Suruhanjaya Pencegahan Rasuah Malaysia 2009 [Akta 694], apabila disabitkan kesalahan boleh didenda tidak kurang daripada sepuluh kali ganda jumlah atau nilai suapan, atau RM1 juta, atau dipenjarakan selama tempoh tidak melebihi dua puluh tahun atau kedua-duanya.

Yang benar,

Tandatangan : _____
Nama : _____
No.KP : _____
Tarikh : _____
Cap Syarikat : _____

Catatan:

- (i) *termasuk kesalahan ditetapkan dalam Jadual (Perenggan 3 (a), takrif "kesalahan ditetapkan") Akta Suruhanjaya Pencegahan Rasuah Malaysia 2009 [Akta 694] yang boleh dihukum di bawah Kanun Keseksaan [Akta 574].
- (ii) **seseorang yang bersekutu dengan syarikat merujuk kepada seksyen 17A (6) Akta Suruhanjaya Pencegahan Rasuah Malaysia 2009 [Akta 694], iaitu seseorang itu bersekutu dengan organisasi komersial jika dia seorang pengarah, pekongsi atau pekerja organisasi komersial itu atau dia ialah orang yang melaksanakan bekalan untuk atau bagi pihak organisasi komersial itu.
- (iii) Surat Akuan ini hendaklah dikemukakan bersama surat perwakilan kuasa.
- (iv) Takrifan perusahaan di bawah Akta 712 merangkumi syarikat yang terlibat dengan perolehan Kerajaan.

Pihak Syarikat : Penama pada sijil pendaftaran untuk menandatangani Surat ini.

Pihak Kerajaan : Pegawai yang diberi kuasa oleh Menteri di bawah seksyen 2 Akta Kontrak Kerajaan 1949 untuk menandatangani kontrak.